

MINNESOTA PAID LEAVE

Pib Siv Txij Hnub Tim 1 Lub Ib Hlis Xyoo 2026

Minnesota Paid Leave pab them nyiaj thiab muab kev tiv thaiv rau koj txoj hauj lwm thaum koj xav tau sij hawm so los saib xyuas koj tus kheej los sis koj tsev neeg.

Qhov Kev Pov Hwm Zoo Sib Xws (Equivalent Plan)

Koj tus tswv hauj lwm muab Paid Leave los ntawm ib qho kev pov hwm zoo sib xws uas tau pom zoo (approved Equivalent Plan), uas tsis yog los ntawm lub xeev Minnesota. Qhov kev pov hwm no muab sij hawm so, kev them nyiaj, thiab kev tiv thaiv hauj lwm uas yuav sib npaug los sis ntau dua li qhov uas Minnesota Paid Leave muab.

Lub npe ntawm lub tuam txhab muab kev pov hwm:

Qhov kev pov hwm zoo sib xws pab rau:	Sij Hawm So Rau Tsev Neeg (Family Leave)	Sij Hawm So Mus Kho Mob (Medical Leave)	Ob Yam Tib Si
Website: _____ Xov Tooj: _____			

Kuv siv tau Paid Leave rau dab tsi?

Sij Hawm So Mus Kho Mob (Medical Leave):

- Siv sij hawm so los saib xyuas koj tus kheej yog tias muaj mob hnyav, cev xeeb tub, yuav yug me nyuam, thiab xav so tom qab yug me nyuam tag.

Family Leave:

- Sij Hawm So Tu Ib Tug Me Nyuam Tshiab (Bonding Leave):** Siv sij hawm so los saib xyuas thiab tsim kev sib raug zoo nrog tus me nyuam tshiab uas nyuam qhuav yug, lees txais coj ib tug me nyuam los tu (adoption), los sis coj tu ib tug me nyuam los tu (foster placement).
- Sij Hawm So Tu Ib Tug Txheeb Ze (Caring Leave):** Siv sij hawm so los saib xyuas ib tug txheeb ze uas muaj mob hnyav hauv tsev neeg.
- Sij Hawm So Txhawb Ib Tug Txheeb Ze Ua Tub Rog (Military Family Leave):** Siv sij hawm so los pab txhawb ib tug txheeb ze hauv tsev neeg uas tab tom mus ua hauj lwm tub rog.
- Sij Hawm So Txhawb Kev Nyab Xeeb (Safety Leave):** Siv sij hawm so los daws tej teeb meem cuam tshuam txog kev tsim txom hauv tsev, kev raug quab yuam mos deev, los sis raug caum soj qab, xws li ua ntej yuav mus tsev hais plaub, nrhiav kev kho mob los sis nrhiav ib qho chaw nyob kom nyab xeeb rau tus kheej los yog ib tug txheeb ze.

Feem ntau, cov mob los sis xwm txheej yuav tsum kav tsawg kawg yog 7 hnub thiab yuav tsum muaj tus kws kuaj kev noj qab haus huv los sis lwm kws tshaj lij ua ntawv pov thawj.

Kuv puas yuav tau txais kev roos los ntawm Paid Leave?

Feem ntau cov neeg ua hauj lwm hauv Minnesota yeej tau kev roos los ntawm Paid Leave. Koj yuav tau txais kev roos tab txawm hais tias koj lub chaw hauj lwm luaj npaum li cas, los sis xuaj moos thiab hnub ua hauj lwm li cas los xij. Cov neeg ua hauj lwm muaj ntawv cog lus thiab cov neeg ua hauj lwm rau tus kheej yuav tsis tau txais kev roos ncaj qha rau tus kheej, tiam sis lawv kuj muaj feem xaiv kom tau kev roos. Koj kuj yuav tsim nyog tau cov kev them nyiaj so yog tias xyoo tas los koj tau ua hauj lwm raug them nyiaj hauv Minnesota (yuav tsum txog \$3,900 kom qhov Paid Leave xyoo 2026 muaj feem xyuam rau).

Kuv siv tau sij hawm so ntev npaum li cas?

Ib qho kev pov hwm zoo sib xws (equivalent plan) yuav tsum muab sij hawm so uas sib npaug los sis ntau dua li qhov uas lub xeev tau muab. Raws li lub xeev qhov kev pov hwm, koj yuav tsim nyog siv tau txog li 12 lub as thiv ntawm Siv Hawm So Rau Tsev Neeg (Family Leave) los sis Siv Hawm So Mus Kho Mob (Medical Leave) hauv ib xyoo ntawm qhov kev pab.

Yog tias koj xav tau ob hom sij hawm so (rau tsev neeg thiab kho mob) nyob hauv tib xyoo ntawm qhov kev pab ntawd, koj yuav tsim nyog siv tau txog li 20 lub as thiv tag nrho raws li lub xeev qhov kev pab.

Kuv yuav tau nyiaj ntau npaum li cas?

Ib qho kev pov hwm zoo sib xws (equivalent plan) yuav tsum them nyiaj uas sib npaug los sis ntau dua li qhov uas lub xeev qhov kev pab tau muab. Raws li lub xeev txoj kev pab, koj yuav tau txais txog li 90% ntawm koj cov nyiaj hli, nyob ntawm qib nyiaj koj tau txais, nrog rau qhov nyiaj siab tshaj hauv ib lub as thiv uas raug teeb raws li lub xeev qhov nyiaj hli nruab nrab hauv ib lub as thiv. Qhov nyiaj no yuav hloov pauv txhua xyoo, thiab thaum pib siv Paid Leave nyob rau xyoo 2026, qhov nyiaj siab tshaj yog \$1,423 hauv ib lub as thiv.

Leej twg yog tus muaj nyiaj rau Paid Leave sim?

Koj tus tswv hauj lwm qhov kev pov hwm zoo sib xws yuav tau nyiaj los ntawm tus tswv hauj lwm, tus neeg ua hauj lwm, los sis ob leeg koom tes them ua ke. Tus tswv hauj lwm tsis pub rho tshaj 0.44% ntawm koj cov nyiaj hli los them rau feem koj yuav tsum pab them rau qhov nqi premium ntawm qhov kev pov hwm zoo sib xws no.

Kuv cov kev tiv thaiv kom txhob poob hauj lwm yog dab tsi?

- Kev tiv thaiv txoj hauj lwm:** Feem ntau, koj yuav tsum tau rov qab mus rau koj txoj hauj lwm qub los sis ib txoj hauj lwm uas zoo sib xws tom qab koj lub sij hawm so dhau mus lawm. Cov kev tiv thaiv hauj lwm no pib 90 hnub tom qab hnub koj pib ua koj txoj hauj lwm.
- Kev txuas ntxiv kev pov hwm kev noj qab haus huv:** Feem ntau, tus tswv hauj lwm yuav tsum them twj ywm lawv feem ntawm kev pov hwm kev noj qab haus huv thiab lwm yam kev pov hwm ua pawg (group insurance premiums) thaum koj tseem so hauj lwm. Koj yuav tsum them koj feem pua uas yog koj lub luag hauj lwm, raws li feem koj ib txwm them rau kev pov hwm kev noj qab haus huv thiab lwm yam kev pov hwm ua pawg.
- Txwv tsis pub ua phem pauj los sis tsim kev cuam tshuam:** Cov tswv hauj lwm yuav tsum tsis txhob cuam tshuam los sis tawm tsam ua phem pauj rau koj yog tias koj thov los sis siv Paid Leave. Cov tswv hauj lwm tsis muaj feem yuav txeeb tau koj cov kev them nyiaj los ntawm qhov kev pab cuam no.

Yog xav nug txog Paid Leave, thov hu rau Minnesota Paid Leave ntawm 651-556-7777 los sis mus saib peb qhov website.

Yog tias koj xav tias koj tus tswv hauj lwm ua txhaum rau cov kev tiv thaiv hauj lwm, ces tiv tauj rau Labor Standards Division ntawm Minnesota Department of Labor and Industry.



KAWM NTXIV: paidleave.mn.gov

Cov ntaub ntawv no muaj nyob rau lwm hom ntawv rau cov neeg uas muaj kev tsis taus los sis cov uas xav tau kev pab txhais lus. Thov hu rau Paid Leave Contact Center ntawm 651-556-7777 los sis 844-556-0444 (hu dawb).

